



LABANK SANTRAL SEEL

e

LOTORITE SERVIS FINANSYEL



---

## KOMINIKE LAPRES KONZWENT

*Viktorya – le 15 Zen 2020*

### **Prosesis konsiltasyon pe al konmans lo nouvo lalwa ki pe ganny propoze pour protez konsomater servis finansyel**

Labank Santral e Lotorite Servis Finansyel pe al konmans en seri konsiltasyon piblik lo nouvo lalwa ki pe ganny propoze pour ranforsi drwa konsomater dan sekter finansyel.

Bann miting piblik lo sa nouvo lalwa proteksyon konsomater bann servis finansyel [Financial Consumer Protection Bill] pour fer lo Mae, Pralen ek Ladig, pandan sa bann prosen semenn.

Sa pour donn piblik loportinite konn plis lo konteni sa nouvo lalwa, soulev zot bann konsern e osi soumet konmanter e sizesyon, avan ki sa prozedlwa i ganny finalize. Sa bann rankont pour fer sa bann landrwa, dat e ler swivan:

| <b>Dat</b>               | <b>Landrwa</b>                                       | <b>Ler</b>    |
|--------------------------|--|---------------|
| Sanmdi le 20 Zen, 2020   | Pralen – Pension Fund Complex Auditorium             | 10.30 bomaten |
| Sanmdi le 20 Zen, 2020   | Ladig – La Digue Island Lodge                        | 3.30 apremidi |
| Sanmdi le 27 Zen, 2020   | Mae – Sant Konferans Enternasyonal (ICCS Auditorium) | 1.30 apremidi |
| Sanmdi le 4 Zilyet, 2020 | Mae – Sant Kominoter Anse Boileau                    | 1.30 apremidi |

Sa dokiman i osi aksesib lo sitweb toulede Labank Santral (<https://www.cbs.sc/Consumer/ConsumerProtectionBill.html>) e Lotorite Servis Finansyel (<https://www.fsaseychelles.sc/white-paper-review-financial-consumer-protection-bill/>).

Konmanter i kapab ganny soumet atraver imel ouswa atraver telefonn lo [consumeraffairs@cbs.sc](mailto:consumeraffairs@cbs.sc)/4282086 pour Labank Santral e [consumeraffairs@fsaseychelles.sc](mailto:consumeraffairs@fsaseychelles.sc)/4380800 (Policy & Legal Unit) pour Lotorite Servis Finansyel.

Nesite pour entrodwir en kad pour proteksyon konsomater dan sekter finansyel ki promouvwar lenplimantasyon bann norm enternasyonal tel ki latransparans, konfidansyalite ek proteksyon lenformasyon, bann pri rezonnab pour prodwi ek servis finansyel, prosedir etabli pour resevwar e rezourd konplent e asire ki konsomater i ganny trete dan en fason zis e ekitab, i parmi ban priyorite ki ti ganny idantifye dan plan lenplimantasyon devlopman sekter finansyel ki Gouvernman ti adopte an 2014.

Labank Santral ek Lotorite Servis Finansyel in travay an kolaborasyon avek bann partner konsernen dan sektor finansyel, prensipalman bann lenstitisyon ouswa antite ki tonm anba zot sipervizyon pour devlop bann polisi nesaser, ki Bord lede lenstitisyon, swivi par Konsey Minis ti aprouve an Novanm 2017. Sa ti answit ganny soumet avek Biro Atorni Zeneral ki'n asiste pour drafte sa prozedlwa.

Sa seri konsiltasyon piblik i dernyen letap avan ki sa prozedlwa i ganny finalize e soumet avek Konsey Minis e answit avek Lasanble Nasyonal. Piblik pe alors ganny ankouraze pou partisip aktivman dan sa prosesis.

Dernyen dat pour soumet konmanter i le 10 Zilyet 2020.